


本草彙言

八



本草綱目







甘竹葉



簞竹葉



淡竹葉



苦竹葉



本草彙言卷之十一目錄

木部 雜木類

茯苓

琥珀

猪苓

雷丸

桑寄生

松寄生

木部 苞不類

竹 簕竹葉
甘竹葉

淡竹葉
苦竹葉

竹茹

竹瀝

夫竹黃

木部 雜木類

古廁木

古槐板

雷震木

服器部 服帛類

故錦

黃絲絹

布

綿



神 禱

破 漆 器



南京中医药大学图书馆藏

本草彙言卷之十一

錢塘

倪朱謨純字甫選集

男倪洙龍沖之氏藏稿

木部

寓木類

茯苓味甘淡氣平無毒氣味俱薄浮而升陽也入手少陰
太陰太陽陽明足少陰太陰太陽陽明八經。

別錄曰茯苓生大山山谷及華山嵩山鬱州雍州諸處
古松根下李氏曰並兼傳作伏靈蓋松之神靈之氣伏
結而成故謂之伏靈伏神也又曰下有伏靈則松頂盤
結如蓋時有形絲上蒼非新雨初霽澄徹無風不易現
也陶氏曰此即古松靈氣淪結成形如得氣之全者離
其本體故不抱根如得氣之微者止能附結本根故中
心抱木小者如拳大者如斗外皮皴黑內質堅白形如
鳥獸龜鼈者良虛軟而色赤者不堪用蘇氏曰又一種
即百年大松為人斬伐枯折槎枿雖枝葉不復上生而
腐英之氣亦淪結成形謂之茯苓撥即于四面丈餘地



內以鐵錐刺地。有則錐固不可拔。無則作聲如磨。者謂之茯苓窠。中有白色蒙翳。蒸潤其間。如蛛網然。尚屬松氣。將結成形者也。亦可人力為之。就所伐松樹。根則取其自腐。取新苓之有白根者。名曰茯苓。鑽截作十許長。排種根旁。久之發香如馬勃。則茯苓生矣。今浙江溫州處州等處。山農以此法排種。四五年即育成。修治去皮。切片。或搗末。水淘去浮末。赤筋用。

○茯苓利水健脾。定志鎮驚。清氣化痰。分理水穀之藥也。

此得松木餘氣而生。甘淡和平。甘能實脾。淡能利竅。溫

而不寒。利而不燥。補而不滯。解結熱。散結氣。而又無消

伐之虞。至清至潔。至和至美之上珍也。凡五味之用。各

有所偏。酸味束而收斂。苦味直行而泄。甘味上行。惟甘

淡之味。最得中和之用。故農皇治胸脇逆氣。憂患驚

不和也。恐悸。心下結痛。此心氣不和也。寒熱煩滿。此脾氣不和也。欬逆



口焦

此肺氣不和也

舌乾小便不利

此腎氣不和也。五

用此

淡平和之劑。五氣咸和。諸病自已矣。若李氏方之治

脹肢腫。肉浮如泥。朱氏方之治夢寐驚恐。神魂不寧。張

氏方之治肺痿肺癰。咳嗽膿血。甄氏方之治膀胱濕熱

水道不行。成氏方之治五痢五泄

餐泄。滯泄。驚泄。濡泄。滑泄。

大腸不

實。此又後世諸醫備詳古人未發之旨也。而明初戴氏

直指方云。茯苓甘淡純陽。緩脾逐水。導氣生津。平火止

泄。此數字盡其用矣。善治者當致意焉。

魯當垣先生曰。質堅色白。類金。附生松下。類木。木體而

金用也。凡金木互交為病。如欬逆喘嗽。胸脇脹滿等證。

蓋可想見。又如膀胱不利為癰。不約為遺。癰與遺病固

各異均屬膀胱清氣不順使然宜用茯苓之堅白甘淡以化其氣氣化自能出氣化自能止矣有云陰虛者勿用謂其利小便水液下行之力居多下行恐亡陰故云勿用此說殊爲乖謬不知松枝歲寒不凋原具堅骨其精靈之氣旋伏根下潛受陰陽吐納之機有陽長陰生之妙何陰虛之不可用耶不知補陰之藥往往俱用茯苓如六味九滋陰九養陰九益陰九未嘗不用茯苓者也。

潘鄧林先生曰張三丰有茯苓贊云形質塊磊芳香清潔幽潛深邃恬憺勿烈體陽用陰充氣貫脉能泄能收勿寒勿熱通神攝魂守志養魄中空可實中滿可決神

化無方真人之訣。

陳月坡先生曰：茯苓甘平溫厚，淡滲利竅，觀利竅二字，有無限功用。利竅則小便結閉可通，利竅則淋瀝遺溺可止。利竅則外邪可出，而汗可發矣。利竅則內神可收，而汗可止矣。神而明之，悟心者得之。粗工執一之士，勿語此。

○集方治胸脇逆氣。

聖濟總錄

或脹或痛者，用白茯苓一兩，人參三

錢，陳皮三錢二分，木香一錢，分作四帖，清水煎服。○治

憂患驚邪，致成心志不寧，精神恍惚，怔忡健忘，甚至失

許維心方

魂喪志，顛狂痴醉，用白茯苓一兩，酸棗仁、遠志、半夏當

歸，各六錢，川芎四錢，分作四帖，水煎服。臨服時調硃砂

末一分五釐

○治_{證治類方}恐悸

夜臥交睫則夢鬪爭敗負恐怖

之狀此屬心血虛而有痰者用白茯苓三錢半夏麴

錢水煎服

_{臨服時}

加鹿角膠五錢白湯溶化沖入○治

_{命居士選奇方}心常忪悸

行事懼往或忘前失後用白茯苓白檀香各

二錢肉桂一錢五分石菖蒲天竺黃犀角各六分麥門

冬遠志酸棗仁人參各八分甘草一錢共爲細末煉蜜

丸如彈子大每服一丸臨睡米湯化下○治_{治心方}心下結痛

因心氣虛而有痰者用白茯苓二錢半夏麴一錢五分

當歸身廣陳皮各一錢甘草五分水煎服○治_{治寒熱煩}

滿因脾虛有停水積飲者用白茯苓半夏各二錢五分

廣陳皮一錢五分甘草五分厚樸薑汁炒前胡乾薑各

二錢生薑三片水煎服

○治欬逆

氣急而咳即今之頓喘也

口焦

也肺氣不順用白茯苓二錢半夏一錢陳皮八分

甘草

五分麥門冬知母黃芩各一錢二分水煎服

○治舌乾

小便不利心火亢甚腎水衰微用茯苓二錢懷熟地三

錢川黃連白芍藥黑山梔各一錢二分甘草五分燈心

廿根水煎服○治腹脹肢腫肉浮如泥氣息喘促用白

茯苓生半夏切片生薑湯泡葶藶子各一錢牽牛子一

錢六分微炒燥共為末每早服二錢生薑湯調下○治

夢寐驚恐神魂不寧用白茯苓一兩石菖蒲五錢甘草

三錢硃砂二錢共研極細末煉蜜丸如龍眼核大每早

晚各服一丸燈心湯下○治肺痿肺癰咳嗽吐血用白

茯苓、百合、米仁各一兩，白朮五錢，川貝母八錢，去心，共爲末，每服三錢，不拘時白湯調下。○治^{生方}膀胱濕熱，水道不行，小腹脹悶，用白茯苓、海金沙各五錢，車前子、淡竹葉、茵陳葉各四錢，韭菜子三錢，共爲末，每服三錢，早晚白湯調下。○治^{五泄方}五利，大便不實，用白茯苓一兩二錢，猪苓、澤瀉、麥芽、穀朮、防風、陳皮、升麻各六錢，白芍藥四錢，俱炒燥，分作六劑，水煎服。內熱者，本方每劑加黃連八分，黃芩一錢，俱酒炒。內寒者，加補骨脂炒一錢，木香八分。內虛者，加人參二錢，白朮炒一錢。內實者，加炒枳實二錢，五分，紅麴三錢。

○續補集方，治心神不定，時復振跳，恍惚健忘，情緒不寧。

水不上升。火不下降。常服消陰養火。保全心氣。用白茯苓

二兩。沉香五錢。人參六錢。共爲末。煉蜜丸。小豆大。每

服五十丸。白湯下。○治陰神虛耗。出心汗者。別處無汗。

獨心孔有汗一片。此由思慮勞心過多。用白茯苓。人參

各等分。共爲末。每服一錢。真蘄艾湯調下。○治心虛勞

泄。或白濁者。用白茯苓爲細末。每服二錢。米湯調下。○

治男子遺精白濁。小便後餘瀝常流。并夢寐多驚。頻頻

遺泄。及婦人白淫白帶。穢水不淨。並皆治之。用白茯苓

八兩。去皮。切作塊。如圍棋子大。猪苓三兩。切片。用湯五

碗同煮。二三十沸。取出。日乾。揀去猪苓。以茯苓爲末。用

黃蠟溶化爲丸。如彈子大。每早嚼一丸。空心津下。以小



約大學圖書館版權所有

便清爲度。忌米醋。○治小便頻多不禁。并五淋白濁諸

證。用白茯苓八兩。爲末。以新汲水。按洗去筋。日乾。乾山

藥十兩。切碎。以白礬一錢。泡湯浸一晝夜。日乾。共爲末。

以熟地黃八兩。酒煮搗爛成膏。爲丸。如彈子大。每早晚

各食前嚼化。一九米湯送下。○治水腫尿澀。用白茯苓

皮。花椒子。煎湯。日日代茶飲。半月効。○治面上雀斑。用

白茯苓末。蜜和。夜夜敷之。一月全愈。

治一人病遺精。聞婦人聲。卽泄。瘡甚欲死。醫告術窮。仲

淳以茯苓。遠志。蓮鬚。石蓮子。各二兩。沙苑蒺藜。三兩。炒。

牡蠣。一兩。火煨。魚膠。四兩。切碎。火焙。共爲末。煉蜜丸。梧

桐子大。每早晚各食前服。五錢。白湯下。

琥珀味甘。氣平。無毒。陽中之陰。降也。入手少陰太陽經。

陰經。

別錄曰。琥珀。生永昌。朔上。寇氏曰。今西戎高麗海南諸
倭國皆有。卽松木榮盛時。脂流入土。千歲淪結所成也。
中有蜂蠅蟻蟲之類。形色如生。此因炎日所灼。脂流出
時。諸蟲粘住。漸流漸結。內裏而成。雷氏曰。珀不一種。有
象物珀。或有物形。卽前蜂蠅之類。有血珀。深紅如血色。
有赤松珀。濁大而脆。文理皆橫。有水珀。淺黃色。多皺文。
有石珀。深黃色。重如石。有花珀。文如新馬之尾。松心而
黃白相間。凡諸木有脂者。入土千歲。皆能化珀。所未燒
之。卽有木氣自知也。別有一種蜜蠟珀。臭之有蜜蠟香。
色黃白。卽深山野蜂窠。入土所化。今關南山中獨多。又
一種楓脂。琥珀燒之有楓木氣。卽楓木脂所化也。入藥惟
取松脂。血珀體輕者良。江元之云。薛立齋入禁內視
疾。穆宗賜琥珀簪。色紅如霞。可知年久。桃脂入土亦
能成珀。縱使樹雖枯。脂入地。自能成珀。惟東南海外諸
木脂。化珀者有之。西北方無有也。今市中有偽者。以羅
蛋黃煮陳成。或青魚枕骨造成。皆偽珀也。宜細辨之。
琥珀鎮定心神。澄清濁氣。行逐瘀血之藥也。此得松木

